




Münster, Sebastian.


Cosmographiae universalis libri VI. Mit Holzschnitt-Titelbordüre, 14 doppelblattgr. Vortextkarten in Holzschnitt, 40 (3 gefalt., 37 doppelblgr.) Holzschnitt-Ansichten u. ca. 970 Textholzschnitten.

Basel, Henricpetri, 1552. Folio. [12] Bll., 1162 S., [1] Bl. Ldr. um 1830 mit goldgepr. Rückenschild (etw. berieben, Deckel mit leichten Schabspuren).

[CatItem.ArtText.Text502]


CHF 5 000 / 8 000

€ 5 150 / 8 250



Liber VI.

1137



eu quodam seorsum nutriebatur, & sacerdotibus mansuetus uocabatur. Nutriebatur autem
 pane, carnē & uino, quæ à peregrinis afferebantur ad eiusmodi spectaculum uenientibus. Sub
 iungit autem Strabo, qui suo tempore beluam istam uidit. Hospes uir inter alios honoratissi-
 mus, qui nobis sacra commonstrabat, ad lacum ueniens, placentulam & carnē assam, & quod-
 dam nulli uasculum ex coena attulit. Beluam in ripa lacus inuenimus, & ex sacerdotibus alij
 eius os aperuerunt, alius bellaria imposuit, postea carnem, deinde nullum iniecit. Ille in lacum
 exiliens, in ulteriorem partem traiecit. Solet hoc animal in Nilo potissimum & Gange fluuio
 Indiæ inueniri euaditq; ex animo in immensum animal. Nam quum oua eius anserinis similia
 existant, ex his genus pullus, ad sedecim aut octodecim cubitorum magnitudinem excre-
 scit, longitudine uitæ hominis ferme est, lingua caret, licet quidam dicant infra paruam habere lin-
 guā. Corpus mirabile natura munitū. Nā dorsum eius uniuersum squamosum est, duricie præ-
 cipua, cauda prælonga: ex utroq; oris latere dentes habens per plures, in quibus duo maxime emi-
 nent. Non solum homines comedit sed & cætera terrestria animantia flumini appropinqua-
 tia, unguibus grauiter disceperit, quos habet omni mucrone acutiores. Morsu est aspero terroq;
 ut quod dentibus lacerat, nunquam sanetur. Eorum ingens est multitudo in Nilo & sta-
 gnis propinquis, tum quia fecunditate excedit, singulis enim annis parit, tum quia perraro ca-
 pitur. Timidus est, ut qui persequentes fugiat, fugientes persequatur. Narratur numerus
 sexagenarius ei proprius, ut qui sexagenis diebus oua sexagena pariat, totidemq; diebus fo-
 ueat. Annos præterea uiuere & dentes eorum ferme numero habere. Nautis ualde cauendum
 est in Nilo ab isto animali, sicut & in litore ambulantibus, præsertim æstiuo tempore. Hyemali
 tempore sexaginta diebus, alij dicunt quatuor mensibus, in secessu sine cibo quiescit. De-
 uoraturus hominem lachrymari dicitur, unde proverbium natum, Crocodili lachrymæ, quādo
 quis scilicet solis oculis, sine corde & absque compulsionē lachrymatur. Vnum hoc animal, in-
 quit Plinius, superiore mobili maxilla imprimit morsum. Dies in terra agit, noctes aqua. Gens
 hominum huic beluæ est aduersa in ipso Nilo, Tentiryæ, ab insula, quam inhabitant sic appel-
 lati. Terribilis est belua contra istos fugaces, & contra fugax belua contra insequentes, illicq; so-
 li audent aduersum ire. Quin etiam flumini innatant, dorsoq; equitantum modo impositi, hian-
 tibus resupino capite ad morsum, addita in os claua, dextra ac laeva tenentes extrema eius utrin-
 que, ut frenis in terram agunt captiuos, ac uoce etiam sola terribis cogunt euomere recentiora
 corpora ad sepulturam. Itaq; ei uni insulæ crocodili non adnatant, olfactuq; eius generis fugan-
 tur. Hebetes oculos hoc animal dicitur habere in aqua, extra acerrimi uisus. Quidam hoc u-
 num quandiu uiuit crescere arbitrantur. Nec aliud animal ex minore origine in maiorem cre-
 scit magnitudinem. Unguibus est armatum, & contra omnes ictus cute inulsa.

Crocodilus
ad uinum ex-
pressus.

Crocodilus
ex ouo gignis-
tur.

Crocodili la-
chrymæ.

Ggg

Alexan.